

կան նաև կենսագրական համառոտ տեղեկություններ:

Բանաստեղծությունների թարգմանիչ Ալեք Նալապյանը իր ներածական հոդվածում համառոտ մի ակնարկ է գցում հայ գրականության դարավոր պատմության վրա, իսկ թե՛

բանարևակ բանասեր Թեյմուր Գուրգենը «Մանթություն» բաժնում (էջ 1—21) գրականագիտական մանրամասն վերլուծության է ենթարկել հատրնտիրում ղեկավարած բանաստեղծությունները:

Հ. ՄԵՓԵՐՅԱՆ

ՀԱՄԻՏԱԿԱՆ ՆՈՐ ՀԱՅՏՆԱԲԵՐՈՒՄ ԵՐԵՎԱՆԻ ՏԵՐԻՏՈՐԻԱՅՈՒՄ

Երևանի տերիտորիայում 1965 թ. հնագիտական մի նոր հայտնաբերում կատարվեց Գերցենի փողոցում (Երևանի հյուսիսային մաս, Կիր-դա), հեկտոգ կայքի ֆարրիկայի ու արհեստական ալմաստների գործարանի և անասնա-նումրային բաղայի միջև, հողային աշխատանքներ կատարելու ժամանակ: Որոշ ժամանակ տեղ այդ նույն վայրում, առաջին դամբարաններից մի քանի մետր հեռավորությամբ, բացվեցին նոր դամբարաններ:

Դամբարանները հիմնականում ավերված են և այդ պարագան խույլ չի տալիս խոսելու նրանց կառուցվածքի մանրամասնությունների մասին: Ակնհերև էր միայն, որ ուշ թաղումները կողքերից շարված էին քարերով՝ Թաղաքենդի ուշ թաղումների նմանությամբ:

Կիսավեր դամբարանների ուսումնասիրությունը պարզեց, որ թաղումները կատարված էին ղեկների մակերևույթից հաշված շուրջ 2 մետր խորության վրա: Ուշ շրջանի դամբարաններից մեկում կատարված էր դույզ թաղում, մյուսներում՝ մեկական: Թաղումներից մեկը կատարված էր հարավ-արևելքից՝ հյուսիս-արևմուտք կողմնորոշումով, մնացած ղեկերում կողմնորոշումը պարզել անհնար էր՝ դամբարանների խիստ վնասվածության պատճառով:

Հայտնաբերված իրերի ժամանակագրական խիստ տարբերությունը և տեղի բնակիչների վկայություններն աչն մասին, թե տնամերձ հողամասերում և բակերում տնտեսական նպատակներով կատարած հողային աշխատանքների ժամանակ հայտնաբերվել են տարբեր բնույթի հնագիտական առարկաներ, թույլ են տալիս կարծելու, որ հիշատակված դամբարանները մասն են կազմում ժամանակագրական լայն

ընդգրկում ունեցող (առնվազն 8 դար) բրոնզե-դարյան ընդարձակ դամբարանադաշտի:

Այս ենթադրությունը փաստացի այլ նյութերով ամրապնդելու նպատակով կատարված տեղանքի զննումը, սակայն, ոչ մի արդյունք չտվեց. արտաքին նշանների բացակայությամբ, ինչպես նաև տեղանքի բնակեցված լինելը բացառում են նոր դամբարաններ հայտնաբերելու և պեղելու որևէ հնարավորություն: Այսուամենայնիվ առկա հնագիտական նյութը որոշակի հետաքրքրություն ներկայացնում է, որքանով համալրում է Երևանի տերիտորիայի հնագույն նյութական մշակույթը բրոնզի դարում:

Ելնելով մեր ձեռքի տակ եղած հնագիտական նյութի առանձնահատկություններից, հարմար ենք համարում դա երկու առանձին խմբով ներկայացնել:

Առաջին խմբը բաղկանում է մեկ դամբարանից ծագող երեք կավանոթներից: Այս խմբի կավանոթներից առաջինը ղեղնավուն կավից պատրաստված և կարմրով ներկված կճուճ է (աղյուսակ I, 1): Շուրթը կլոր է, դուրս ծալված: Կավանոթի վերին կեսը հարուստ դարդանախշված է սև ներկով: Առաջին գոտին ներկայացնում է երկու հորիզոնականներում պարփակված, զագաթով ղեպի վեր ուղղված գծածով եռանկյունիներ: Դրանից ներքև անցնում է հորիզոնական և ալիքաձև գծերի համադրությամբ գոյացած ժայռակաձև զարդագոտին: Կավանոթը իրանի հատակին հարող մասում ունի 0,8 սմ տրամագծով մի անցք: Երկրորդ կավանոթը երկկոն իրանով և ղեպի ներս կտրված շրթով քրեղան է (աղ. I, 2): Կավը գույնով և բաղադրությամբ նույնն է, ինչ առաջին կավանոթինը, ներկված է բաց կարմրագույնով: Զարդանախշը կրկնում է առաջին կավանոթի վերին զարդագոտին՝ դժաձածկ եռանկյունիներ, այս ղեպում արված շագանակագույն ներկով: Այս խմբի վերջին կավանոթը սև փայտով է, ունի կարճ վիզ, կլոր, ղեպի դուրս լայնացող շուրթ, ուռուցիկ իրան (աղ. I, 3): Պարանոցի և իրանի անցումը ընդգծված է լայն խորադիր հորիզոնական գծով: Դրանից ցած՝ իրանի կենտրո-

1 Առաջին ղեպում դամբարանները տեղում ուսումնասիրվեցին և ղտնված իրերը Հայաստանի պատմության թանգարան բերվեցին Ս. Ամիրջանի, երկրորդ ղեպում՝ Թ. Նալապյանի, Լ. Կարապետյանի և Ս. Ամիրջանի կողմից:

2 К. Х. К у м и а р е в а, Тазакендский монумент в Армении, С.А. 1960, էջ 137—138:

նական մասով անցնում է կետազարդ ոլորա-
նախշ (մեանդր) զարդագոտին:

Նկարագրված կավանոթների երեք օրինակն էլ, չնչին տարբերություններով, հանդիպում են Հայաստանի նույնաշրջան հուշարձաններում և ներկայացվող մշակույթի հիմնական կողմերը կրողներից են:

Գունազարդ և կետազարդ խեցեղենի համա-
տեղ հայտնաբերումներ կատարվել են բազմիցս և ամենատարբեր շրջաններում: Այգալիսի հայտ-
նաբերումները հատկապես բնորոշ են Հայաս-
տանին և խիստ եղակի բնույթ են կրում նրա
ուսումնասիրից դուրս, այն էլ որպես մշակու-
թային ազդեցության արձագանքներ: Նման հու-
շարձանների թվում հիշատակելի են Մուխան-
նաթ-թափայի³, Թաղաքենդի⁴, Լճաշենի⁵, Հառի-
ճի⁶, Ապարանի⁷, Թրիալեթի⁸, Ուզերլիկ-թեփեի⁹,
Պրինկիի (Հարավային Օսեթիա)¹⁰ և այլ հնա-
վայրերը:

Եթե փնտրելու լինենք մեր կավանոթների ծա-
գումնաբանական ակունքները մերձավոր վաղ
շրջանի նյութական մշակույթի հուշարձաններում,
ապա գունազարդ անոթներին ժամանակագրո-
քեն նախորդող օրինակները կարող ենք գտնել
Թաղաքենդի և էլարի գունազարդ խեցեղենի
հայտնի հավաքածուներում: Թաղաքենդի խե-
ցանոթներից որպես այգալիսին կարելի է նշել
№ 13 դամբարանից հայտնաբերված բրնձանը,
որը համահնչուն է Կիրզայի երկրորդ անոթին
ոչ միայն ձևով, այլև զարդանախշով: Կավա-
նոթի վրա արված շախմատաձև նախշի, գա-
գաթով միացած դույզ եռանկյունիների տիպիկ

թաղաքենդյան զարդաձևերի կողքին մենք տես-
նում ենք գծածածկ և ցանցապատ եռանկյունի-
ների մի շարք¹¹: Չարդաձևերի գրեթե նույն զու-
գորդումը առկա է նաև էլարի գունազարդ քրե-
ղանների վրա (Հայաստանի պատմության թա-
գարան, այսուհետ՝ ՀՊԹ, գույք 1813/14,
2246/92): Սակայն Թաղաքենդում առկա են և
մեր անոթներին ժամանակամերձ օրինակներ:
Թաղաքենդի խեցանոթների խմբի մեջ եղած
նման անոթներից է № 1 դամբարանից ծագող
երկշարք գծածածկ ումբերով զարդարված,
խիստ ուռուցիկ իրանով, լայնաբերան կճուճը,
որը ձևով ընդհանրանում է Կիրզայի գունա-
զարդ խեցանոթներից առաջինին և ժամանակա-
գրորեն շատ մոտիկ է նրան:

Կիրզայի խեցանոթները, սակայն, իրենց ուղ-
ղակի զուգահեռներն ունեն Լճաշենի հարուստ
հավաքածուներում, մի հանգամանք, որը ոչ
միայն դրանց համաժամանակյա գոյության
հավաստիքն է, այլև նրանի տերիտորիայի
մ. թ. ա. II հազարամյակի առաջին կեսի մշա-
կույթը կապում է Լճաշենի մշակույթի հետ:
Այստեղի դամբարանային հավաքածուներից
հենց միայն մեկի՝ № 38 դամբարանի խեցա-
նոթները երևան են բերում գրեթե բոլոր այն
էական կողմերը, որոնք կրում են Կիրզայի
անոթները¹²: Կավային բաղադրության, պատ-
րաստման և զարդանախշերի անցկացման եղա-
նակի ու տեխնիկայի նույնությունից զատ, Կիր-
զայի կավանոթները կրկնում են Լճաշենի ա-
նոթները նաև ձևով ու զարդանախշով: Լճաշենի
դամբարանի բաց կարմրագույն կճուճը՝ զար-
դարված գագաթով վեր ուղղված գծածածկ
եռանկյունիներով (ՀՊԹ, գույք 2118/50), հա-
մապատասխանում է Կիրզայի առաջին անոթին:
Իսկ սև փայլով, կետազարդ ոլորանախշ և զիգ-
զագներ կրող անոթը (ՀՊԹ, գույք 2118/37)
Կիրզայի 3-րդ անոթին: Հետաքրքիր է նշել, որ
նույն հավաքածուում եղած սև փայլով կնտա-
զարդ լայնաբերան մեծ կճուճը (ՀՊԹ, գույք
2118/46) մերձենում է Կիրզայի առաջին անո-
թին՝ հատակի մոտ ունեցած միջանցիկ անցքով:

Որպես զուգահեռ մեր 3-րդ անոթին կարելի
է նշել նաև Լճաշենի № 45 և № 50 դամբա-
րաններից հայտնաբերված կետազարդ ոլորա-
նախշ կրող սև փայլով անոթները (ՀՊԹ, գույք՝
2118/129, 2118/158, նկ. 1):

Մեր իրերին համաժամանակյա Լճաշենի հա-
վաքածուները 2. Մնացականյանը գասակարգում
է մեկ առանձին խմբի երրորդ ենթախմբում,

3 Ե. Բ ա յ ր ու ղ յ ա ն, Հայաստանի գունա-
զարդ կերամիկայի պրոբլեմը, ՀՍԽՂ Պատմու-
թյան և գրականության ինստիտուտի «Տեղեկա-
գիր», գիրք II, 1937, էջ 295:

4 К. Х. Кушнарева, Тазакендский
могильник в Армении.

5 Հ. Հ. Մ ն ա ց ա կ ա ն յ ա ն, Լճաշենի մշա-
կույթի զարգացման հիմնական էտապները,
«Պատմա-բանասիրական հանգես», 1965, № 2,
էջ 104:

6 Թ. Խ ա շ ա տր յ ա նի պեղումները, նյութը չի
հրապարակված:

7 Т. С. Х а ч а т р я н, С. А. Е с а я н, Ар-
хеологические находки в с. Апаран (Арм.
ССР), СА, 1958, № 4, էջ 197 և հտ.:


8 Б. А. К у ф т и н, Археологические рас-
копки в Трналетн, Тбилиси, 1941, էջ 85:

9 К. Х. Кушнарева, Новые данные
о поселении Узерлик-тепе, около Агдама,
МИА, 1965, № 125, էջ 93:


10 Նույն տեղում, էջ 98:

11 К. Х. Кушнарева, Тазакендский
могильник в Армении, նկ. 2(6):

12 Հ. Մնացականյանի պեղումները, նյութը չի
հրապարակված:



Աղյուսակ I



Աղյուսակ II

խումբը ամբողջությամբ վերցրած ժամանակա-
դրելով մ. թ. ա. XX—XVI դդ¹³։

Լճաշենի հրատարակված հավաքածուներից
մեր իրերին շատ մոտ են կանգնած նաև № 6
դաժբարանի խեցանոթները¹⁴։ Այստեղի գունա-
զարդ անոթները, և հատկապես դրանցից մեկը,
ձևով և հատակի մոտ ունեցած միջանցիկ անց-
քով նույնանում են Կիրզայի առաջին անոթին
(ՀՊԹ, գույք 2009/280)։ Լճաշենի նշված անոթի
ճիշտ կրկնօրինակը հանդիսացող մի կճուճ ծա-
գում է Կոտայքի շրջանի Գողթ գյուղից (ՀՊԹ,



Նկ. 1

¹³ Հ. Հ. Մ ն ա ց ա կ ա ն յ ա ն, նշվ. աշխ.,
էջ 104։

¹⁴ Է. Վ. Խ ա ն զ ա դ յ ա ն, Լճաշենի № 6
ձուրգանը, Հայկ. ՍՍՀ ՓԱ «Տեղեկագիր» (հաս.
գիտ.), 1960, № 2, էջ 65--77։

գույք 2250, աղ. 1, 12)։ Երկու կճուճներն էլ
մեծ չափերի են, լայնաբերան, ուռուցիկ, գըն-
դաձև իրանով և լայն հատակով, զարդարված
են սև ներկով արված շորս հորիզոնական գծե-
րով և դրանից ցած՝ գծածածկ ումբերի երկու

շարքով: Գողթի կճուճը ևս իրանի ներքևի մասում կրում է փոքր տրամաչափի մի անցք: Այս պարագան վկայում է տնտեսության մեջ դրանց ունեցած համասեռ դերի մասին¹⁵:

Կիրզայի կավանոթները իրենց զուգահեռները ունեն նաև Հայաստանի ու Անդրկովկասի մի շարք այլ հնավայրերում: Ձևով, զարդանախշով մեր իրերին արձագանքում են էջմիածնի հնագիտական հավաքածուի (ՀՊԹ, գույք 556/21), Մուխաննաթ-թափայի¹⁶, Բեշտաշենի ամրոցի¹⁷, Ուզերիկ-թեփեի լավ շերտագրված բնակավայրի վերին շերտերից (2-րդ և 3-րդ) և այլ վայրերից հայտնաբերված կավանոթներն ու դրանց բեկորները:

Վզի հիմքում ունեցած խորադիր հորիզոնական աղոտով, պարանոցի և շրթի դրվածքով Կիրզայի 3-րդ կավանոթին շատ մոտ է կանգնած նաև Երևանի տերիտորիայից ծագող (երրորդ մաս) և Երևանի Պատմության թանգարան վերջերս մուտք գործած կետազարդ կավանոթը (աղ. I, 13): Այս անոթը իր ուղիղ զուգահեռները ունի Լճաշենի վերը հիշատակված հավաքածուներում:

Գալով մեր կավանոթների վրա եղած զարդաձևերին, պետք է ասել, որ գծածածկ եռանկյունիները և ուրանախշը տարածված զարդաձևերից էին դեռևս մ. թ. ա. III հազարամյակում և շարունակաբար լայն կիրառություն են գտնում ողջ բրոնզի դարի ընթացքում: Խեցեղեն արտադրանքի տարբեր փուլերում փոխվում է միայն նույն զարդանախշը անցկացնելու տեխնիկան: Որոշ ուսումնասիրողների կարծիքով գծածածկ եռանկյունիները, ուրանախշը մի քանի այլ զարդաձևերի հետ միասին մոգական նշանակություն են ունեցել և դա շատ հավանական է թվում¹⁸:

15 Մ. թ. ա. III հազարամյակի վերջերից և II հազարամյակի սկզբներից սկսած անցքով կավանոթները գործածության մեջ էին մինչև վերջերս: Մավալային շափերը, անցքի տեղադրումը, ձևը և այլ հատկանիշներ, ինչպես նաև աղագրական զուգահեռները (Վ. Բդոյանի: Հավաքած նյութեր) թույլ են տալիս կարծելու, որ նման կավանոթները կապված են եղել հեղուկի ամենօրյա օգտագործման հետ: Կավանոթների անցքերը ծորակների դեր են կատարել կավանոթում պահվող հեղուկի (ջուր, կաթ) համար:

¹⁶ Ե. Բախրուրյան, նշվ. աշխ., էջ 289:

¹⁷ Բ. Ա. Կուֆտին, նշվ. աշխ., էջ 112, աղ. СХХІ:

¹⁸ М. В. Воеводский, К изучению гончарной техники первобытно-коммунистического общества на территории лесной зо-

Уле փայլեցված խեցեղենի կետազարդ զարդաձևերը, որպես կանոն, արված են ատամնավոր պտտադրոշմի միջոցով: Կիրզայի կավանոթի վրա ուրանախշը արված է երկատամ պտտադրոշմով, դա երևում է ոչ միայն երկշար զուգահեռ գծերի խիստ հավասարաչափ հեռավորությունից, այլև զարդանախշի ուղիղ անկյուններ կազմող հատվածներում նույն այդ գծերի երկուստեք հատումից: Այդպիսի մի ատամնավոր պտտադրոշմի նկարագրությունը տվել է Յա. Բ. Դումմելը, որով, ըստ նրա, արվել են խանլարի հարավ-արևմտյան մասում պեղված № 12 դամբարանի մի շարք կավանոթների կետազարդ նախշերը¹⁹: խանլարի հիշյալ դամբարանի խեցեղենը իր զարդանախշով ընդհանրաճանաչ է նաև Կիրզայի սև փայլով անոթի հետ²⁰:

Պեղումները և հնագիտական հարուստ նյութերի ուսումնասիրությունը ցույց են տվել, որ գոնազարդ անոթներից շագանակագույն ներկով նախշվածները ժամանակագրորեն հաջորդում են սև ներկով նախշազարդված կավանոթներին²¹: Կիրզայի կավանոթներից առաջինը, ինչպես տեսանք, նախշազարդված է սևով, երկրորդը՝ շագանակագույնով: Գունազարդ խեցեղենի այս երկու նմուշների և սև փայլով կետազարդ անոթների համատեղ գտնվելը, ինչպես նաև բերված զուգահեռները, թույլ են տալիս քննության առնվող կավանոթները ժամանակագրել մ. թ. ա. XVII—XVI դդ.:

Կիրզայի հնագիտական իրերի երկրորդ խումբը բաղկանում է 18 բրոնզե առարկաներից և ութ կավանոթներից: Ընչպես վերը նշվեց, դրանք ծագում են տարբեր դամբարաններից, սակայն նկատի առնելով իրերի ժամանակագրական ընդհանրությունը, հարմար ենք համարում դրանք ներկայացնել մի խմբում:

Բրոնզե իրերի թվում են՝ մեկ դաշույն, հինգ կոճակ, ութ ապարանջան, երեք մատանի և մեկ ասեղ:

Դաշույնը ձուլված է կաղապարով, ունի քիչ կլորացված ծայր, ուղիղ ուսեր, դաստակը ամրացնելու համար անցքով լեղվակ և նույն նպատակին ծառայող ու յուրաքանչյուր կողմից ճական անցք ունեցող բրոնզե գոտեկապ (աղ-

ны европейской части РСФСР, СА, 1936, № 1, էջ 74:

¹⁹ Я. И. Гуммель, Некоторые памятники ранней бронзовой эпохи Азербайджана, КСИИМК, вып. XX, 1948, էջ 26:

²⁰ Նույն տեղում, էջ 26, տե՛ս նաև էջ 25, նկ. 11(3):

²¹ Б. Б. Пиотровский, Археология Закавказья, էջ 47:

II, 1): Դաշույնի շեղբը կտրվածքում սեղմված ումբի ձև ունի: Նման դաշույնները ամենատարածված և բազմաթիվ տարբերակներ ունեցող իրերի թվին են պատկանում և հնագիտական գրականության մեջ հայտնի են սևանյան տիպի դաշույններ անունով: Սրանք շատ հին ավանդներ ունեն, և իրավացի է Ս. Սալյանը, երբ կարծում է, որ այս տիպի դաշույնները վերածնունդ են հնագույն դաշույնաշեղբերի, որոնք տարածված էին մ. թ. ա. III հազարամյակի վերջին քառորդից մինչև մ. թ. ա. XII—XI դդ.²²:

Այս տիպի դաշույններ մեծ թվով հայտնի են Սևանի ավազանից²³, Կիրովականից²⁴, Վարդաքարից²⁵, Բնշտաշենից²⁶, Մինգեչաուրից²⁷ և այլ վայրերից:

Նշված դաշույնատեսակները հատուկ են մ. թ. ա. II հազարամյակի վերջերին և I հազարամյակի սկզբներին: Ժամանակագրական հաջորդ փուլում (սկսած մ. թ. ա. IX դ.) սրանք շարունակում են մնալ գործածության մեջ, միայն բրոնզե դաշույնաշեղբերը փոխարինվում են երկաթով:

Մետաղե իրերից ուշագրավ են բրոնզե կոճակները: Սրանք բոլորն էլ ներսի կողմից լրացված են պինդ շաղախով և ունեն զգեստներին ամրացնելու կապողական: Կոճակներից երկուսը մեծ, երեքը՝ միջին չափերի են: Առաջինները թե՛ զարդանախշով, թե՛ ձևով և թե՛ չափերով հար և նման են միմյանց: Պետք է ենթադրել, որ դրանք ձուլված են միևնույն կաղապարով: Ուռուցիկ մակերես և փված եզրեր ունեցող այս կոճակները աչքի են ընկնում պատրաստ-

ման լավ տեխնիկայով: Ուռուցիկ մակերեսը զարդարված է խաչ գոյացնող զազաթով դեպի կենտրոն ուղղված չորս եռանկյունիներով: Վերջիններս իրենց հերթին զարդարված են 6-ական միջանցիկ սեպերով (աղ. II, 2): Խաչ պատկերող այս տիպի կոճակները գործածականից զատ, խորհրդանշել են արևը և կապված են նաև արևի պաշտամունքի հետ²⁸: Այս տիպի կոճակներ մեծ թվով հայտնաբերվել են Արթիկի ու բրոնզի դարի դամբարանադաշտում մ. թ. ա. XIII—XII դդ. թվագրվող հավաքածուներում²⁹: Դրանք հանդիպում են նաև ավելի ուշ շրջանի հուշարձաններում:

Կոճակներից մյուսն ունի կոնաձև տեսք, եզրերում զարդարված է գնդաձև փոքր ելուստներով, որոնք ստացել են ատամնավոր ձևով արված եզրերը կոճակի վրա ետ ծալելու և ամրացնելու միջոցով (աղ. II, 5): Մնացած մասում այն զարդարված է սանդղաձև դեպի կենտրոն բարձրացող համակենտրոն շրջանակներով: Այս կոճակը ևս իր ուղղակի զուգահեռները ունի Արթիկում³⁰: Կոճակներից վերջին երկուսը պատրաստված են բրոնզե բարակ թիթեղներից: Երկուսն էլ ունեն չափավոր ուռուցիկ մակերես: Մեկը հարթ է, մյուսի եզրերը զարդարված են երկու ներձկված զուգահեռ գծերով (աղ. II, 3, 4): Ներկայացված կոճակները և սրանց տարատեսակները հազվագյուտ չեն ուշ բրոնզի դարի հնավայրերում: Դրանք հանդիպում են նշված ժամանակաշրջանին հատուկ խեցեղենի և այլ առարկաների հետ միասին: Կոճակներ գտնվել են Լճաշենի Ռեդկին լազերի, Շամշադինի մ. թ. ա. XIII—VIII դդ. վերաբերող հուշարձաններում:

Ավելի մեծ թիվ են կազմում հայտնաբերված ապարանջանները: Ըստ ձևի և պատրաստման տեխնիկայի դրանք կարելի է երեք առանձին ենթախմբերի ստորաբաժանել: Առաջին ենթախմբը բաղկանում է երկու ապարանջանից: Սրանք պատրաստված են կտրվածքում կլոր, բարակ լարերից, որոնց ծայրերը միմյանց վրա են գալիս: Երկրորդական մշակման են ենթարկված միայն ապարանջանների ծայրերը, որոնք տափակացվել են (աղ. II, 10): Երկրորդ ենթախմբի մեջ մտնում են հինգ ապարանջան: Բոլորն էլ ձուլված են կավե կամ քարե կաղա-

22 С. А. Есаян, Оружие и военное дело древней Армении, Ереван, 1966, էջ 59, 73:

23 Ե. Լալայան, Դամբարանների պեղումներ Խորհրդային Հայաստանում, Երևան, 1931, էջ 156, նկ. 109: Վրաստանի պետական թանգարան, գույք՝ 20—05/3—2: С. А. Есаян, Оружие и военное дело..., աղ. XIII(I):

24 А. А. Мартиросян, Раскопки в Кировакане и некоторые памятники раннеуруартского периода, Հայկ. ՍՍՀ ԳԱ «Տեղեկագիր» (հաս. գիտ.), 1956, № 9, նկ. 5:

25 Т. С. Хачатрян, Комплекс бронзовых предметов из сел. Вардакар, Հայկ. ՍՍՀ ԳԱ «Տեղեկագիր» (հաս. գիտ.), 1961, № 3, նկ. 4: ՀՊԹ, գույք՝ 2109/6:

26 Б. А. Куфтин, նշվ. աշխ., նկ. 71:

27 Г. М. Асланов, Р. М. Вандов, Г. И. Понне, Древний Мингечаур, Баку, 1959, աղ. XIV:

28 С. А. Есаян, Амулеты, связанные с культом солнца из Армении, СА, 1968, № 2, էջ 255:

29 Т. С. Хачатрян, Материальная культура древнего Артика, Ереван, 1963, էջ 80—81, աղ. 6 (7—9): ՀՊԹ, գույք՝ 2255/151:

30 Նույն տեղում, էջ 81, աղ. 6(11): ՀՊԹ, գույք՝ 2255/281, 2327/310 և այլն:

պարնեբրում և երկրորդական մշակման են ենթարկված: Ապարանջաններից շորսը պատրաստված են 0,4 սմ տրամագիծ ունեցող բրոնզե լարերից, որոնց ծայրերը սրվել են: Ավելի մեծ տրամագծով և ղանգվածեղությամբ աչքի է ընկնում ենթախմբի 5-րդ ապարանջանը (աղ. II, 9): Բոլոր ապարանջանների ծայրերը միմյանց վրա են գալիս: Ծայրերի վրա և միջնամասում սուր գործիքով միմյանց հակադիր թեք գծեր են արված: Նման ապարանջաններ մեծ քանակությամբ հանդիպում են մ. թ. ա. երկրորդ հազարամյակի վերջի և առաջին հազարամյակի սկզբի հուշարձաններում: Դրանք ինքնին որոշակի ժամանակագրման չեն ենթարկվում և դրանց ժամանակագրական պատկանելությունը որոշվում է նրանց հետ հայտնաբերված մյուս նյութական արժեքների հիման վրա:

Նկարագրվածներից առանձնանում է հավաքածուի վերջին ապարանջանը: Այն նույնպես ձուլված է կաղապարում և երկրորդական մշակման է ենթարկված: Ավելի քան 2 սմ լայնություն ունեցող այս ապարանջանի արտաքին ողջ մակերեսը զարդանախշված է (աղ. II, 12): Եզրերը, որոնք ավելի հաստ են, պատված են ցորենի հասկը հիշեցնող հյուսվող զարդաքանդակներով՝ առնված գույգ գուգահեռների մեջ: Սրանց միջև ընկած տարածությունը զարդարված է շեղ գծերով իրար միացող պարույրներով, կամ այսպես կոչված վազող պարույրներով, որոնք երկնակամարում արևի շարժման յուրովի վերարտադրությունն են հանդիսանում: Ապարանջանի ճիշտ կենտրոնում վահանաձև զարդ կա, որը վերը հիշատակված կոնաձև կոճակի փոքրացված կրկնօրինակն է հիշեցնում: Այս նույնությունը մի ավելորդ անգամ վկայում է հիշյալ իրերի նույնաշրջան լինելու մասին: Ուշագրավ է նաև այն, որ նշված կոնաձև զարդը վերադիր է և հագուցվել է ապարանջանի ձուլումից հետո, նրա կենտրոնում արված կլոր անցքի մեջ և ամրացվել գորշ գույնի ամուր շաղախով: Ապարանջանի նկարագրված զարդաձևը շատ տարածված է ուշ բրոնզի դարում և վաղ երկաթի դարաշրջաններում: Այն մենք տեսնում ենք Լճաշենի սայլերի, մի շարք վայրերից գտնված բրոնզե դոսիների և, ինչպես ստորև կտեսնենք, խեցանոթների վրա: Նման ապարանջանների մի շարք օրինակներ հայտնաբերվել են մասնավորապես Արթիկի լավ ներկայացված դամբարանադաշտում³¹: Այդպի-

սիք հայտնի են նաև Այրումից³², Ալավերդուց³³ և այլ վայրերից:

Բրոնզե իրերի հավաքածուում եղած մատանիներից առաջինը պատրաստված է մետաղե լարից, որի ծայրերը հարում են իրար: Մատանու ծայրերը զարդարված են եղևնաձև նախշով, ինչպիսին մենք տեսնում ենք ապարանջանների մի մասի վրա (աղ. II, 7):

Մատանիներից երկրորդը օղաձև է, ձուլված է կաղապարով և երկրորդական մշակման է ենթարկված: Կտրվածքում քառակող է (աղ. II, 6): Վերջին մատանին թիթեղյա է, ինչպես և երկրորդը ձուլված է կաղապարով: Օղաձև այս մատանու արտաքին մակերեսը զարդարված է սուրանկյուն բեկբեկ գծով, որը միացնելով մատանու համեմատաբար հաստ եզրերը, մատանու մակերեսի վրա գոյացնում է խորադիր եռանկյունիներ (աղ. II, 8):

Մետաղե իրերից վերջինը 12,5 սմ երկարությամբ բրոնզե ասեղ է (աղ. II, 13): Հետաքրքիր է ասեղի թելանցքի պատրաստման տեխնիկան: Բրոնզե լարի այս ծայրը սառը կոփման եղանակով բարակացրել են, ապա թողնելով համապատասխան թելանցք, թեքել և մտցրել են իրանի վերնամասի երկարությամբ արված կտրվածքի մեջ, որից հետո ի մի են բերել կտրվածքի եզրերը, որով և կայուն ամրություն են հաղորդել ասեղի գլխիկին: Ասեղները, որոնց հիմնականում ոսկրե նախօրինակները հայտնի են մ. թ. ա. III հազարամյակի հուշարձաններից, առավել մեծ տարածում են գտնում ուշ բրոնզի դարում և առկա են այդ շրջանի գրեթե բոլոր հնավայրերում:

Կիրգայի հնագիտական իրերի 2-րդ խմբի մեջ մտնող խեցանոթները ևս երևան են բերում այն բնորոշ ընդհանրությունը, ինչը հատուկ է Հայաստանի նույնաշրջան մշակույթներին՝ ընդհանրապես և ուշ բրոնզեդարյանին՝ մասնավորապես:

Հայտնաբերված խեցանոթները, բացառությամբ երկուսի, պատրաստված են դրգի վրա և ունեն սև փայլ: Դրանցից հինգը սափորներ են, երկար կամ կարճ պարանոցներով, դուրս ճկված շրթով ու զարդարված են ուղիղ և ալիքաձև խորադիր գծերով (աղ. I, 4—7, 10): Իր ունեցած զարդանախշով ուշագրավ է սափորներից մեկը, որի մի մասն է միայն պահ-

³¹ Նույն տեղում, աղ. IV (7—8): ՀՊԹ, գույք՝ 2255/15, 2327/145, 2327/387, 2327/559, 2327/615 և այլն:

³² Ս. Ա. Եսայան, Հայաստանի պատմության թանգարանի բրոնզե ապարանջանները, Հայկական ՍՍՀ ԳԱ «Տեղեկագիր» (հաս. գիտ.), 1964, № 2, աղ. II, 10:

³³ Նույն տեղում, աղ. II, 11:

պանվել (աղ. I, 7): Ալիքաձև և ուղիղ գծերից զատ այն կրում է դրոշմով արված համակենտրոն շրջանակներ, որոնք միացված են միմյանց շեղ գծերով: Համադրելու դեպքում այս զարդաձևը գրեթե նույնանում է վերը բերված ապարանջանի վրա եղած զարդաձևին: Նույն այս զարդաձևը և առավել շատ նրա առանձին տարբերակներն են կրում Հայաստանի տերիտորիայից ծագող բազմաթիվ խեցանոթները: Նշված կավանոթին մասնավորապես մոտ են Արթիկի № 15 բարհանքի տերիտորիայից գտնված անոթները: Այդ նույնություները այնքան է ակնառու, որ պետք է ենթադրել, որ Կիրզայի օրինակը ևս իր ամբողջական վիճակում պետք է ունենար հյուսածո կանթ՝ ինչպիսին կրում է Արթիկի № 87 դամբարանի ստփորը³⁴:

Չնայած դրոշմով արված համակենտրոն շրջանակներ կրող խեցանոթների առկայությանը, առայժմ Հայաստանի տերիտորիայից չեն դետնրվել դրոշմներ: Եվ ընդհակառակը՝ դրոշմներ հայտնի են Հյուսիսային Կովկասում այն դեպքում, երբ առ այսօր բացակայում են դրանց միջոցով զարդարված խեցանոթները³⁵:

Կավանոթների մեջ կան նաև սև փայլով մեծ թասի, գավաթ-կճուճի, ինչպես նաև սևագույն, ավազախառն կավից պատրաստված կոպիտ ափսի մեկական օրինակներ: Թասը լայնաբերան է, ուղիղ դրված պատերով, կտրված շրթով, ընդգծված հատակով (աղ. I, 11): Շրթի տակ այն ունի անցք՝ կախելու համար: Թասի շուրթը զարդարված է քառատամ գործիքի միջո-

ցով արված ալիքաձև գծերով, իսկ իրանի վերին մասը զուգահեռ խորադիր գծերով:

Գավաթը, որը իրանի կենտրոնում կրում է մի կանթ, ունի դուրս ճկված շուրթ, օգտագործումից մաշված տափակ հատակ (աղ. I, 8): Զարդարված է երկու զուգահեռ և դրանց նկատմամբ թեթևադրված խորադիր գծերով: Պատրաստված է ձեռքով: Ձեռածեփ է նաև հավաքածուի վերջին կավանոթը, որն իրանի կենտրոնում և հատակային մասում զարդարված է եղունգավոր նախշով (աղ. I, 9): Նման կավանոթները հայտնի են խոհանոցային անվան տակ:

Չժանրանալով նշված խեցանոթների զուգահեռների և դրանց առնչությունների հարցի վրա, նշենք, որ կավանոթների այս երեք տիպն էլ իրենց բազմաթիվ տարբերակներով հանդերձ մեծ թիվ են կազմում ուշ բրոնզի դարի և դրան հաջորդող շրջանի հնավայրերում:

Ինչ վերաբերում է Կիրզայի հնագիտական հավաքածուի 2-րդ խմբի ժամանակագրական սահմաններին, ապա ակներև է, որ այդ խմբի առարկաների մի մասը լայնորեն կապվում է մ. թ. ա. XIII—XII դդ. թվագրվող հուշարձանների հետ, այնինչ մի ուրիշ մասը նմանվում է մ. թ. ա. I հազարամյակի սկզբի նյութական մշակույթի առարկաներին: Ժամանակագրական այս առնչությունները թույլ են տալիս Կիրզայի հնագիտական հավաքածուի 2-րդ խումբը ժամանակագրել մ. թ. ա. XII—IX դդ.:

Ս. ԱՄԻՐՅԱՆ:

ԱՆՏԻԿ ԴԱՄԲԱՐԱՆ ԼԻՃՔՈՒՄ

1967 թ. Հայկական ՍՍՀ Մարտունու շրջանի Լիճք գյուղում հոր փորելիս բացվել է սալարկղային դամբարան, որտեղից հայտնաբերվել են ապակյա երեք սրվակ, կավե մի փոքրիկ պուլիկ և ոսկրե երեք դարձ: Սկանի ավազանում տարբեր ժամանակներում մասնակի պեղումների շնորհիվ և պատահաբար գտնվել են անտիկ

շրջանի դամբարաններ, սակայն այդ նյութերի միայն մի մասն է մեզ հասել. իսկ Լիճքից մինչ այժմ այդպիսի հայտնի չեն: Ժողովածուն հետաքրքիր է նաև նրանով, որ իրերից մի բանիսը առաջին անգամն են հանդիպում:

Առանձնապես ուշադրության է արժանի մանուշակագույն, հաստ ապակուց պատրաստված, զնդաձև իրանով երկկանթանի սրվակը (նկ. 1), որի ամբողջ իրանն ու վիզը ծածկված են սպիտակ ու դեղնավուն խալերով (բարձր.՝ 9,5 սմ, հատ. տր.՝ 3 սմ, պս. տր.՝ 3,6 սմ): Սա նմանօրինակ դարգերով առաջին սրվակն է Հայաստանում: Նրա խալերը չեն թափանցում սրվակի պատերով, ի տարբերություն millefiori (հազարան ծաղիկ) կոչվող անոթների: Սրվակի մակերեսի խալերն այն տպավորությունն են ստեղծում, կարծես հեղուկ ապակին վրձինով շաղ է

34 Т. С. Хачатрян, Материнальная культура..., էջ 120, աղ. XXIV, 5:

35 Е. И. Крупнов, Новые «пинтадеры» из сел. Сержень-юрт (Чечено-Ингушетия), Новое в советской археологии, М., 1965, էջ 194, նկ. 1, 3: В. И. Козенкова, Исследование памятников раннего железного века у сел. Сержень-юрт (Чечено-Ингушетия), КСИА, М., 1967, № 112, նկ. 28 (5):